



PROJEKAT FINANSIRA
EVROPSKA UNIJA



*Empowered lives.
Resilient nations.*

**Poziv malim i srednjim preduzećima
za iskazivanje interesa za podrškom Projekta „Lokalni integrisani
razvoj“ na provođenju projekata unapređenja tehnološke
opremljenosti i obuka za prekvalifikaciju i dokvalifikaciju
potrebne radne snage u 2017. i 2018. godini**

Smjernice za podnosiocce prijava



Septembar, 2017. godine

SADRŽAJ

1. INFORMACIJE O POZIVU ZA ISKAZIVANJE INTERESA	3
1.1 Uvodne informacije o projektu „Lokalni integrisani razvoj“	3
1.2 Uvodne napomene o potrebama za podrškom na unapređenju tehnološke opremljenosti i obuci potrebne radne snage u malim i srednjim preduzećima	3
1.3 Ciljevi poziva za iskazivanje interesa i očekivani rezultati	4
1.4 Iznos finansiranja od strane Projekta LID	5
1.5 Pregled jedinica lokalne samouprave.....	6
2. PRAVILA POZIVA ZA ISKAZIVANJE INTERESA.....	6
2.1 Podnosioci prijedloga	6
2.2 Kriteriji za evaluaciju prijedloga	7
2.3 Kategorizacija prihvatljivih troškova.....	8
3. NAČINI PODNOŠENJA PRIJAVA I NJIHOVA EVALUACIJA	9
3.1 Obrazac prijedloga.....	9
3.2. Način iskazivanja interesa.....	10
3.3. Krajnji rok za iskazivanje interesa.....	10
3.4. Dodatne informacije	10
3.5. Evaluacija i odabir.....	10
4. OBAVIJEST O REZULTATIMA POZIVA ZA ISKAZIVANJE INTERESA	12

1. INFORMACIJE O POZIVU ZA ISKAZIVANJE INTERESA

1.1 Uvodne informacije o projektu „Lokalni integrisani razvoj“

Projekat „**Lokalni integrisani razvoj**“ (LID) je trogodišnja inicijativa (2016.-2018.) koju primarno finansira Evropska unija (EU), a provodi Razvojni program Ujedinjenih nacija (UNDP) u saradnji sa Ministarstvom za ljudska prava i izbjeglice Bosne i Hercegovine (BiH), Ministarstvom razvoja, poduzetništva i obrta Federacije Bosne i Hercegovine (FBiH), Ministarstvom uprave i lokalne samouprave Republike Srpske (RS) i dva entitetska saveza opština/općina i gradova.

Projekat ima za cilj podizanje životnog standarda i povećanje socijalne kohezije u BiH putem inkluzivnog održivog socioekonomskog razvoja. Specifični cilj Projekta je stimulacija odgovornog i dobrog upravljanja, ekonomskog razvoja te promocija socijalne inkluzije na lokalnom nivou kroz integrisani lokalni razvoj, prvenstveno u područjima pogođenim poplavama kao i onim s velikim procentom povratnika/interno raseljenih lica. Projekat se implementira u 21 jedinici lokalne samouprave (JLS) u BiH.

U okviru komponente za ekonomski oporavak, Projekat će direktno podržati privatni sektor te potencijalne investitore kako bi se povećala cjelokupna **ekonomska aktivnost** u ciljanim zajednicama, **osigurao ekonomski rast kroz produktivnije lance vrijednosti te stvorila nova radna mjesta i prihodi**. Također, Projekat predviđa pomoć i za dugoročno nezaposlene i socijalno isključene kategorije stanovništva (s naglaskom na povratnike, interno raseljene i dugotrajno nezaposlene osobe). Osim toga, Projekat planira podržati jedinice lokalne samouprave, u saradnji sa zavodima za zapošljavanje ili centrima za socijalnu pomoć, u realizaciji kvalitetnih i efikasnih programa podrške zapošljavanju kroz javne radove ili slične mjere za zapošljavanje, te na taj način pružiti podršku dugoročno nezaposlenim i socijalno isključenim kategorijama stanovništva u odabranim JLS.

Ovaj poziv za iskazivanja interesa će omogućiti svim zainteresovanim malim i srednjim preduzećima (MSP) sa područja partnerskih jedinica lokalne samouprave, koji djeluju u prioritetnim sektorima (obrada drveta, obrada metala, obrada tekstila i IT sektor) i odabranim lancima vrijednosti¹ da rade zajedno sa Projektom, kako bi realizirali **i) investicije usmjerene ka poboljšanju tehnološke opremljenosti, ii) programe obuka za prekvalifikaciju i dokvalifikaciju potrebne radne snage radi postizanja višeg stepena produktivnosti i kreiranja radnih mjesta**, a u cilju podizanja konkurentnosti MSP.

1.2 Uvodne napomene o potrebama za podrškom na unapređenju tehnološke opremljenosti i obuci potrebne radne snage u malim i srednjim preduzećima

BiH se već duže vrijeme suočava sa ozbiljnim problemom **nezaposlenosti** koji je posebno izražen kod marginaliziranih te socijalno isključenih kategorija stanovništva. **Stopa nezaposlenosti, prema Anketi o radnoj snazi iz 2017. godine iznosi 20,5%². Stope za marginalizirane i ranjive kategorije, kao što su žene i mladi, su još veće (23,1% i 45,8%)³**. Svako šesto domaćinstvo je siromašno. Više od 50% stanovništva pati od nekog oblika socijalne isključenosti, te se među najugroženijim skupinama nalaze povratnici, Romi, osobe sa invaliditetom, stariji te mlade osobe.

Kako bi pružio podršku na polju prevazilaženja postojećih izazova u privredi, Projekat LID je proveo analizu najperspektivnijih industrijskih sektora⁴ koristeći metodologiju lanaca vrijednosti. Kroz analizu su identificirani prioritetni lanci vrijednosti koji imaju najveći potencijal za rast, kroz povećanje izvoza, te stvaranje kvalitetnih

¹ Proizvodnja namještaja od masivnog drveta (sektor: obrada drveta), proizvodnja autodijelova (sektor: obrada metala), proizvodnja lične zaštitne odjeće (sektor: obrada tekstila), IT sektor (razvoj i izrada hardvera i softvera).

² Stopa nezaposlenosti u 2017. godini je niža od stope nezaposlenosti iz 2016. godine koja je iznosila 25,4%. Jedan od primarnih razloga pada nezaposlenosti jeste smanjenje broja radno aktivne populacije za cca. 48.000 osoba.

³ Izvor: Anкета o radnoj snazi, 2016, http://www.bhas.ba/ankete/ARS_2017G12_001_01_bos.pdf.

⁴ Inicijalno su brada drveta, obrada metala, obrada plastike, obrada tekstila prepoznati kao najperspektivniji sektori, u koje je uključen i IT sektor kao jedan od sektora koji stvara dodatnu vrijednost i koji posjeduje značajan potencijal za tehnološke inovacije i razvoj.

radnih mjesta. Pored ovoga, analiza je pokazala da su razlozi za visoku stopu nezaposlenosti u BiH mnogobrojni, međutim, dva se mogu izdvojiti kao ključna.

Prvi razlog je **relativno niska stopa konkurentnosti bh. privrede**, koja se ne uspijeva pozicionirati pred intenzivnom konkurencijom iz zemalja regije i Evropske unije. Iako određeni privredni sektori⁵ postižu zavidne rezultate na globalnom tržištu, ostvarujući značajne tržišne pozicije, općenito stanje bh. privrede u smislu konkurentnosti nije zadovoljavajuće, prvenstveno zbog **nedovoljne tehnološke opremljenosti** koja ne dozvoljava razvoj novih proizvoda i pristup novim tržištima. Drugi razlog je **vrlo niska stopa kvalifikovane radne snage**, koja zbog manjka znanja i vještina ne uspijeva nositi razvoj privrede. Slaba ponuda kvalitetne radne snage značajno onemogućava preduzećima koja imaju potencijal za rast da ga i ostvare. Obrazovna struktura nezaposlenih osoba pokazuje da njih 11,9% ima visoku stručnu spremu, 73,4% osoba ima završenu srednju školu, dok nekvalifikovana radna snaga čini 14,6% nezaposlenih. Također, **manjak visoko kvalitetne radne snage u zanatskim zanimanjima**, koja su potrebna najkonkurentnijim sektorima bh. privrede, dodatno otežava ekonomski razvoj i rast.

Određeni iskorak u ovom pogledu napravile su jedinice lokalne samouprave koje, u partnerstvu sa relevantnim javnim institucijama i privatnim sektorom, u sve većoj mjeri proaktivno pristupaju rješavanju izazova konkurentnosti i nezaposlenosti te podržavaju projekte koji kreiraju nova radna mjesta. Mjere koje se koriste uključuju: usklađivanje kvalifikacija radne snage sa potrebama privatnog sektora; pružanje obuke za prekvalifikaciju i dokvalifikaciju na osnovu potreba privatnog sektora; diversifikacija savjetodavnih usluga koje pružaju lokalne razvojne agencije i zavodi za zapošljavanje; implementacija javnih programa te inicijativa za stimulaciju poduzetništva, povećanje tehnološkog razvoja i konkurentnosti, omogućavanje kvalitetnijeg pristupa tržištima, itd.

S tim u vezi, Projekat LID će podržati mala i srednja preduzeća da kroz planirane projekte unaprijede tehnološku opremljenost te kreiraju programe obuka za prekvalifikaciju i dokvalifikaciju potrebne radne snage u prioritarnim lancima vrijednosti.

1.3 Ciljevi poziva za iskazivanje interesa i očekivani rezultati

Sve partnerske JLS se suočavaju sa ozbiljnim problemima vezanim za visoku nezaposlenost. Shodno tome, Projekat će podržati mala i srednja preduzeća u odabranim lancima vrijednosti unutar partnerskih JLS u kreiranju te implementaciji programa obuka potrebne radne snage i unapređenju tehnološke opremljenosti MSP, čiji je cilj da povećaju konkurentnost i stvore nova kvalitetna radna mjesta.

Podrška će biti implementirana kroz jedan ciklus, u 2017. i 2018. godini kroz **sufinansiranje sljedećih aktivnosti:**

- **ulaganja u materijalnu i nematerijalnu imovinu vezanu uz kupovinu novih tehnologija i opreme (npr. proizvodnih linija, mašina, uređaja, opreme itd.), uvođenje novih postupaka ili prerađivačkih metoda koje dovode do poboljšanja proizvodnje i/ili prerade i proizvoda veće kvalitete odnosno stepena finalizacije.**
- **ulaganje u materijalnu i nematerijalnu imovinu vezanu uz proširenje postojećeg MSP, diversifikacija proizvoda MSP-a.**
- **ulaganja u materijalnu ili nematerijalnu imovinu, s ciljem postizanja većeg stepena zaštite okoliša u smislu poduzimanja radnji namijenjenih saniranju ili sprečavanju oštećenja fizičkog okruženja ili prirodnih resursa putem vlastitih aktivnosti MSP-a, smanjivanju rizika takvog oštećenja ili postizanju učinkovitijeg korištenja prirodnih resursa s ciljem postizanja međunarodnih standarda.**
- **ulaganja u materijalnu i nematerijalnu imovinu vezanu uz mjere uštede energije u smislu poduzimanja radnji koje omogućuju MSP da znatno smanje količinu energije korištene u njihovom proizvodnom ciklusu.**
- **uvođenje međunarodnih standarda za kvalitet u proizvodnom ciklusu i certificiranja koja će ostvariti pristup dodatnim tržištima.**

⁵ Sektor namještaja, IT sektor, sektor autodijelova, sektor tekstila a posebno lične zaštitne odjeće itd.

- **opće usavršavanje i edukacija radne snage MSP-a vezana uz djelatnost MSP-a kao i posebno usavršavanje radne snage povezano s nabavkom novih tehnologija.**

Odabrani projekti i programi će doprinijeti povećanju prihoda MSP kroz otvaranje novih tržišta i/ili jačanje pozicije na postojećim, kao i u zapošljavanju osoba koje su prošle kroz sufinansirane programe obuke.

MSP koja su registrirana na području partnerskih jedinica lokalne samouprave, ili imaju ispostave ili poslovne jedinice na području partnerskih JLS, se pozivaju da izraze svoj interes te predlože projekte za povećanje tehnološke opremljenosti i prekvalifikaciju i dokvalifikaciju radne snage koje planiraju implementirati u 2017. i 2018. godini.

Uzimajući u obzir navedeno, cilj ovog poziva za izražavanje interesa jeste da se identificiraju **projekti kojima će se pružiti podrška, u okviru raspoloživih sredstava, za unapređenje tehnološke opremljenosti, projekti koji će se odnositi na prekvalifikaciju i dokvalifikaciju potrebne radne snage te kombinovani projekti prekvalifikacije i dokvalifikacije radnika i investicija usmjerenih ka poboljšanju tehnološke opremljenosti**, a koje će implementirati MSP. Kroz provedbu navedene podrške u 2017. i 2018. godini očekuju se sljedeći kumulativni rezultati:

- MSP koja budu podržana će u roku od 12 mjeseci od implementacije projekta ostvariti povećanje prihoda (po mogućnosti od izvoznih poslova) u iznosu od 3% u odnosu na ostvareni prihod iz 2016. godine.
- Sva MSP koja budu podržana će zaposliti minimalno 20 osoba (kumulativno za sva MSP).

1.4 Iznos finansiranja od strane Projekta LID

Kako je iznad navedeno, Projekat LID će za finansiranje odabrati najbolje rangirane projekte iz prioritarnih oblasti, u okviru raspoloživih sredstava. MSP koja budu podnosila prijave za javni poziv mogu da podnesu projektne prijedloge za:

1. unapređenje tehnološke opremljenosti, gdje učešće Projekta LID može iznositi do 80.000,00 BAM; ili
2. prekvalifikaciju i dokvalifikaciju potrebne radne snage, gdje učešće Projekta LID može iznositi do 50.000,00 BAM; ili
3. prekvalifikaciju i dokvalifikaciju potrebne radne snage i realizaciju investicija usmjerenih ka poboljšanju tehnološke opremljenosti, gdje učešće Projekta LID može kumulativno iznositi do 80.000,00 BAM (na primjer 50.000,00 BAM za unapređenje tehnološke opremljenosti i 30.000,00 BAM za obuku).

Navedena sredstva će se vezati za vlastita sredstva obezbijedena od strane MSP. **Vlastita sredstva MSP predviđena za sufinansiranje projekata unapređenja tehnološke opremljenosti i obuke za potrebnu radnu snagu trebaju iznositi minimalno 60% ukupnog iznosa za realizaciju predloženih projekata (60% sufinansiranje MSP i 40% sufinansiranje Projekat LID).** Prednost će imati prijedlozi projekata u okviru kojih je vlastito učešće MSP iznad minimalno potrebnog učešća od 60% (kao što je pojašnjeno u dijelu 2.2).

Važno:

Po odobrenju projekata, MSP korisnici će morati dostaviti **bankovnu garanciju** na ukupan iznos finansiranja od strane Projekta LID. Bankovna garancija treba uključivati traženi iznos sufinansiranja i PDV. Bankovna garancija se treba izdati na period trajanja do 31.12.2018. godine. Na primjer, ukoliko je iznos projekta 50.000 BAM, gdje LID Projekat sufinansira 20.000 BAM, iznos bankovne garancije će iznositi 20.000 BAM plus PDV 3.400 BAM, ukupno 23.400 BAM.

Sve planove i obaveze koji je MSP naveo u prijavi i koje će biti ocjenjivane tokom evaluacije, su predmet detaljnog praćenja i kontrole. Novčana sredstva koja će biti isplaćena odabranim MSP će biti uslovljena realizacijom predstavljenih planova i obaveza. Nepotpuna realizacija i odstupanja od plana prezentiranog kroz prijavu može rezultirati u djelomičnom ili potpunom povlačenju novčanih sredstava od Projekta LID. Kao obezbjeđenje realizacije navedenih planova i obaveza u prijavi, Projekat LID će koristiti instrument bankovne garancije, koju će svako odabrano MSP morati dostaviti prije potpisivanja ugovora.


MSP će obezbijediti podatke o izdvojenim finansijskim sredstvima kroz aplikacijsku formu, zajedno sa pismom koje izražava spremnost da se alociraju sredstva za ovu specifičnu namjenu (dio prateće dokumentacije koja čini Poziv za iskazivanje interesa, u dijelu 3.1.).

Projekat LID zadržava pravo da ne raspodijeli sva raspoloživa sredstva u 2017. godini, u slučaju da kvalitet prijedloga projekata ne ispuni očekivanja i definisane kriterije.

1.5 Pregled jedinica lokalne samouprave

Pravo na iskazivanje interesa za sredstva LID Projekta imaju MSP koja su registrirana ili imaju registriranu ispostavu ili poslovnu jedinicu na području sljedećih JLS:

1. Banja Luka
2. Bijeljina
3. Čelinac
4. Doboј
5. Foča (RS)
6. Goražde
7. Gradiška
8. Konjic
9. Maglaj
10. Modriča
11. Mostar
12. Novi Grad
13. Odžak
14. Orašje
15. Prijedor
16. Srebrenik
17. Šamac
18. Tuzla
19. Vareš
20. Žepče
21. Živinice
22. Domaljevac-Šamac



2. PRAVILA POZIVA ZA ISKAZIVANJE INTERESA

Pravila poziva za iskazivanje interesa definišu opšte kriterije i zahtjeve koje prijedlozi projekata moraju zadovoljiti kako bi bili uzeti u obzir za sufinansiranje.

2.1 Podnosioci prijedloga

U okviru ovog javnog poziva, MSP mogu da podnesu prijedloge za naredne ključne oblasti:

Oblast 1. Realizacija investicija usmjerenih ka poboljšanju tehnološke opremljenosti;

Oblast 2: Prekvalifikacija i dokvalifikacija potrebne radne snage;

Oblast 3: Prekvalifikacija i dokvalifikacija potrebne radne snage i realizacija investicija usmjerenih ka poboljšanju tehnološke opremljenosti (kombinacija dvije prethodne oblasti).

MSP podnose prijave **isključivo samostalno**. Prijave više pravnih subjekata kroz jedan prijedlog neće biti uzete u obzir.

Prilikom pripreme prijedloga za **projekte obuke za potrebnu radnu snagu**, MSP mogu dogovarati partnerstva sa relevantnim institucijama kao što su zavodi za zapošljavanje, razvojne agencije, ponuđači usluga obuke, itd. Potrebno je imati na umu da **isključivo MSP mogu biti nosioci provedbe projekata, dok svi drugi subjekti mogu biti samo partneri**. To znači da su MSP **odgovorne za realizaciju projekta uključujući i finansijske obaveze**.

MSP podnosioci prijedloga projekata trebaju ispunjavati sljedeće eliminatorne uslove:

1. Da su registrirane ili imaju registriranu ispostavu ili poslovnu jedinicu na području partnerskih JLS Projekta LID.
2. Da im je osnovna djelatnost proizvodnja u jednom od prioritetnih sektora (obrada drveta, obrada metala, obrada tekstila, IT sektor).
3. Da su izvozno orijentirane.
4. Da su ostvarile pozitivan poslovni rezultat u 2016. godini.
5. Da imaju potvrde izdate od strane fiskalnih organa o redovnom plaćanju poreza i drugih davanja, uključujući i one prema uposlenicima (zaključno sa 30.09.2017).

2.2 Kriteriji za evaluaciju prijedloga

Projekat LID će uzeti u obzir samo one prijave koje ispunjavaju sljedeće **obavezne kriterije za odabir**:

- MSP je **obezbijedilo finansijska sredstva** za sufinansiranje projekta u minimalnom iznosu zahtijevanom kroz ovaj javni poziv (60% ukupnog iznosa za realizaciju predloženih projekata (60% sufinansiranje MSP i 40% sufinansiranje Projekat LID) – važi za projekte iz svih oblasti.
- **Predviđeno unapređenje tehnološke opremljenosti** će omogućiti zapošljavanje minimalno 2 osobe kroz poboljšanje proizvodnog procesa i pristup novim tržištima – važi za projekte iz oblasti 1.
- Planirana **investicija u nove tehnologije** će ostvariti povećanje prihoda u iznosu od minimalno 3% godišnje u 12 mjeseci od nabavke – važi za projekte iz oblasti 1. i 3.
- Planirana investicija u unapređenje tehnološke opremljenosti i prekvalifikaciju i dokvalifikaciju radne snage **neće rezultirati smanjenjem broja** zaposlenih – važi za projekte iz svih oblasti.
- **Predviđene obuke za prekvalifikaciju i dokvalifikaciju potrebne radne snage** će obezbijediti zapošljavanje minimalno 5 osoba koji su prošli specifičnu obuku sufinansiranu kroz LID Projekat – važi za projekte iz oblasti 2.
- **Projekti koji kombinuju unapređenje tehnološke opremljenosti i obuke za prekvalifikaciju i dokvalifikaciju potrebne radne snage** trebaju rezultirati zapošljavanjem min. 7 osoba, od čega min. 2 osobe trebaju biti uposlene kroz komponentu tehnološkog unapređenja i min. 5 kroz komponentu obuka – važi za oblast 3.
- Predloženi projekti će biti **završeni najkasnije do 30.06.2018. godine**- važi za projekte iz svih oblasti.

Prijave koje ne ispunjavaju prethodno pomenute kriterije Projekat LID neće uzeti u razmatranje.

U evaluaciji prijava, Projekat LID će također uzeti u obzir sljedeće **dodatne kriterije koji će se dodatno bodovati**:

- MSP izvozi preko 70% prometa;
- Predviđeno vlastito učešće MSP u ukupnoj vrijednosti projekta iznosi **više od minimalno zahtijevanih 60%**;
- Stepenn finalizacije proizvoda;
- Predviđeno **unapređenje tehnološke opremljenosti** će rezultirati zapošljavanjem više od 2 osobe;
- Predviđeno **unapređenje tehnološke opremljenosti** doprinosi integraciji inovacija u poslovanje MSP;

- Predviđena **obuka za prekvalifikaciju i dokvalifikaciju potrebne radne snage** će rezultirati zapošljavanjem više od 5 osoba;
- Predviđena **obuka za prekvalifikaciju i dokvalifikaciju potrebne radne snage** ima obezbijedeno dodatno finansijsko učešće drugih partnera (na primjer, zavodi za zapošljavanje, razvojne agencije, JLS ili viši nivoi vlasti);
- Predloženo **unapređenje tehnološke opremljenosti i obuke za prekvalifikaciju i dokvalifikaciju potrebne radne snage** predviđaju zapošljavanje žena, mladih, povratnika i raseljenih osoba te ostalih socijalno ugroženih kategorija stanovništva (preko 30% od ukupnog broja osoba koje će biti zaposlene).

Način evaluacije i bodovanja prijave prema administrativnim i tehničkim kriterijima detaljno je opisan u sekciji 3.5.

2.3 Kategorizacija prihvatljivih troškova

Prilikom pripreme budžeta predloženih **projekata** (uključujući i sufinansiranje), podnosioci prijedloga treba da znaju da se u budžet mogu uključiti samo prihvatljivi direktni troškovi, u skladu sa sljedećom kategorizacijom.

Prihvatljivi direktni troškovi

Da bi troškovi bili prihvatljivi potrebno je da budu i) neophodni za implementaciju predloženog projekta; ii) realni i predviđeni budžetom; iii) opravdani i mjerljivi; i iv) nastali tokom implementacije projekta od strane MSP.

Primjer prihvatljivih troškova su:

- Nabavka opreme i mašina za tehnološko unapređenje proizvodnje;
- Unapređenje proizvodnog prostora/opremanje i rekonstrukcija;
- Finansiranje uvođenja standarda kvalitete (uključujući i angažman konsultanata, obuke uposlenih, nabavka opreme itd.);
- Finansiranje smanjenja operativnih troškova kroz korištenje energetski efikasnih solucija;
- Diverzifikacija proizvoda kroz tehnološko unapređenje proizvodnog procesa;
- Poboljšanje procesa proizvodnje kroz smanjivanje otpada i uticaja na okoliš;
- Troškovi eksterne obuke za prekvalifikaciju i dokvalifikaciju potrebne radne snage.
- Troškovi interne obuke za prekvalifikaciju i dokvalifikaciju potrebne radne snage (ograničenja LID sufinansiranja: troškovi trenera i edukatora do 50% ukupne vrijednosti, troškovi utrošenog materijala do 30% ukupne vrijednosti).
- Troškovi obuke radne snage koju realizuje dobavljač od kojeg je izvršena nabavka mašina i opreme, ali gdje obuka ne spada u redovnu uslugu dobavljača pri kupovini opreme.

Ova kategorizaciji se odnosi kako na sredstva iz projektnog fonda, tako i na sredstva osigurana iz budžeta MSP odnosno od strane projektnih partnera.

Troškovi koji se **ne mogu** uključiti u budžet (**neprihvatljivi troškovi**) su slijedeći:

- Sirovine i poluproizvodi;
- Dugovanja i rezerve za gubitke ili dugovanja;
- Certifikacija;
- Dugovanja po kamati;
- Troškovi režija (voda, struja, grijanje, internet i sl);

- Studijske posjete, međunarodni putni troškovi;
- Stavke već financirane u sklopu nekog drugog projekta;
- Kupovina i iznajmljivanje zemljišta i postojećih zgrada;
- Troškovi leasinga, dugovi i kamate na dug;
- Porezi;
- Kupovina korištene opreme;
- Troškovi jamstava, bankovne naknade slični izdaci;
- Troškovi konverzije, nadoknada ili gubici prilikom konverzije valuta;
- Kreditiranje trećih osoba;
- Troškovi interne obuke za prekvalifikaciju i dokvalifikaciju potrebne radne snage, kao što su amortizacija mašina na kojim se vrši obuka, troškovi struje, vode i drugih režija.

Budžet koji uključuje neprihvatljive troškove se neće smatrati validnim te će cijela aplikacija biti poništena.

3. NAČINI PODNOŠENJA PRIJAVA I NJIHOVA EVALUACIJA

Prijave za podršku trebaju biti dostavljene u formi koju propisuje ovaj poziv, uključujući sve tražene priloge.

Evaluacija prijava će se vršiti u dva koraka, pri čemu je prvi **administrativna provjera**, a drugi **tehnička evaluacija** u odnosu na postavljene kriterije.

3.1 Obrazac prijedloga

Prijava treba da sadrži sljedeće dokumente:

1. **POPUNJEN OBRAZAC (PRILOG I) – original;**
2. **PROJEKTNI BUDŽET (PRILOG II) – original;**
3. **PISMO NAMJERE SA PLANIRANIM IZNOSOM SUFINANSIRANJA (PRILOG III) – original;**
4. **IZJAVA O PARTNERSTVU (SA ZAVODOM ZA ZAPOŠLJAVANJE, RAZVOJNOM AGENCIJOM ILI DRUGIM PARTNERIMA NA PROJEKTU) – UKOLIKO JE RELEVANTNO – obična ili ovjerena kopija;**
5. **KOPIJA REGISTRACIJE PREDUZEĆA (PRVA I POSLJEDNJA REGISTRACIJA) – ovjerena kopija;**
6. **KOPIJA FINANSIJSKIH IZVJEŠTAJA ZA POSLJEDNJE DVIJE GODINE (2015 I 2016), POTPISAN OD STRANE OVLAŠTENOG RAČUNOVOĐE. IZVJEŠTAJI TREBAJU UKLJUČIVATI IZVJEŠTAJ O PRIHODIMA, BILANSU STANJA I IZVJEŠTAJ O PROTOKU NOVCA, UKOLIKO SU DOSTUPNI – ovjerene kopije;**
7. **PORESKO UVJERENJE O IZMIRENIM OBAVEZAMA (DIREKTN I INDIREKTN POREZI) – original ili ovjerene kopije;**
8. **POTVRDA/PRIJAVA O PRETRPLJENOJ MATERIJALNOJ ŠTETI OD POPLAVA IZ MAJA 2014. GODINE – IZDATA OD JLS ILI DRUGE NADLEŽNE INSTITUCIJE, UKOLIKO JE MSP PRETRPILO ŠTETU – ovjerena kopija;**
9. **POPIS UPOSLENIH OVJEREN OD STRANE ZAVODA ZA PIO/MIO TJ. PORESKE UPRAVE NA DAN 30.09.2017. GODINE – original ili ovjerena kopija;**
10. **POPIS MSP I/ILI MIKRO-PROIZVOĐAČA S KOJIMA JE PODNOSIOC ZAHTJEVA KOMERCIJALNO UVEZAN TOKOM 2015 I 2016. GODINE (DOKAZ O ZASNIVANJU POSLOVNIH ODNOSA I SARADNJE, NPR. UGOVOR ILI POSLOVNI UGOVOR, POTVRDE O ISPLATAMA) – obične kopije;**
11. **KOPIJA OKOLIŠNE DOZVOLE, UKOLIKO POSTOJI – obična kopija;**
12. **KOPIJA STANDARDA KVALITETA I CERTIFIKATA (NPR. ISO, CE ITD.), UKOLIKO POSTOJE – obične kopije;**
13. **KOPIJA DOKUMENTA O RAZVRSTAVANJU U SKLADU SA PEOVLAĐUJUĆOM DJELATNOŠĆU – ovjerena kopija.**

Prijave se podnose na jednom od službenih jezika Bosne i Hercegovine. Rukom pisani prijedlozi neće biti prihvaćeni. Nepotpune prijave se neće uzeti u razmatranje.

3.2. Način iskazivanja interesa

Popunjen obrazac prijedloga, budžet i prateću dokumentaciju potrebno je dostaviti u jednom (1) originalnom primjerku i jednoj (1) kopiji, u A4 formatu i uvezane. Također, kompletnu projektnu dokumentaciju (u zip formatu) je potrebno dostaviti i u elektronskoj formi, na CD-u, ili USB memorijskoj kartici.

Na koverti je potrebno naznačiti ime poziva za iskazivanje interesa za koji se aplicira: „**Poziv malim i srednjim preduzećima za iskazivanje interesa za implementiranje projekata unapređenja tehnološke opremljenosti i obuka za prekvalifikaciju i dokvalifikaciju potrebne radne snage uz podršku Projekta „Lokalni integrisani razvoj“ u 2017. i 2018. godini.**“ Nadalje, na koverti je potrebno naznačiti i puni naziv i adresu podnosioca prijave, te naglasiti slijedeće: „**NE OTVARATI PRIJE ZVANIČNOG OTVARANJA**“.

Prijave moraju biti dostavljene u zatvorenoj koverti preporučenom poštom, kurirskom poštom ili lično (potpisana i datirana potvrda će biti dodijeljena licu koje lično dostavi prijavu) na sljedeću adresu:

Razvojni program Ujedinjenih nacija (UNDP)

Projekat „Lokalni integrisani razvoj“

UN HOUSE

Zmaja od Bosne bb

71 000 Sarajevo

Prijave dostavljene drugim putem (npr. putem faksa ili email-a), neće biti uzete u razmatranje.

3.3. Krajnji rok za iskazivanje interesa

Krajnji rok za podnošenje prijave je četvrtak, **19. oktobar 2017. godine do 17:00 sati**, što potvrđuje datum na otpremnici, poštanski žig ili priznanica. Prijave se mogu dostaviti i lično. Prijave podnesene nakon isteka roka se neće uzeti u razmatranje.

3.4. Dodatne informacije

Sva dodatna pitanja u vezi ovog poziva se mogu dostaviti putem elektronske pošte, najkasnije u roku od **7 dana** prije isteka roka za podnošenje prijave, sa jasno naznačenim nazivom poziva u predmetu poruke, i to na sljedeću e-mail adresu: registry.ba@undp.org.

Svi odgovori na pitanja koja mogu biti relevantni i za ostale podnosiocima prijave, redovno će se objavljivati na web stranici UNDP-a: <http://www.ba.undp.org/>.

3.5. Evaluacija i odabir

Podnesene prijave će provjeravati i ocjenjivati Komisija za evaluaciju, sastavljena od imenovanih predstavnika UNDP-a.

Sve dostavljene prijave će se ocjenjivati u dva koraka, u skladu sa ispod propisanim kriterijama, pri čemu je prvi korak eliminatoran, dok se u drugom koraku ocjenjuje kvaliteta podnesenog prijedloga te kapaciteti MSP za njegovu realizaciju.

KORAK 1. OTVARANJE PRISTIGLIH PRIJAVA I PROVJERA NA OSNOVU ADMINISTRATIVNIH I KVALIFIKACIONIH KRITERIJA

U sklopu prvog koraka, po prijemu i otvaranju prijave, ocjenjuju se sljedeći elementi:

- Da li je prijedlog dostavljen u utvrđenom roku. Ukoliko nije, isti se automatski odbija.

- Da li prijedlog ispunjava sve **administrativne kriterije** navedene u listi ispod. Ukoliko ne zadovoljava i ukoliko je odgovor na jedno od pitanja ispod „NE“, prijedlog projekta neće biti dalje razmatran.

ISPUNJENOST ADMINISTRATIVNIH ZAHTJEVA I KRITERIJA		
Administrativna evaluacija:	DA	NE
Ispunjen obrazac prijedloga za projekte podrške unapređenja tehnološke opremljenosti i programe obuke za prekvalifikaciju i dokvalifikaciju potrebne radne snage		
Popunjen budžet u traženom formatu koji uključuje minimalni iznos za sufinansiranje.		
Potpisano pismo namjere o minimalnom iznosu sufinansiranja.		
Popunjena i potpisana izjava o partnerstvu – <i>ukoliko je relevantno.</i>		
Kopija registracije preduzeća (prva i posljednja registracija).		
Kopija finansijskih izvještaja za posljednje dvije godine (2015 i 2016).		
Poresko uvjerenje o izmirenim obavezama (DIREKTNI I INDIREKTNI POREZI).		
Popis uposlenih ovjeren od strane Zavoda za PIO/MIO tj. PORESKE UPRAVE na dan 30.09.2017. godine.		
Kvalifikaciona evaluacija:	DA	NE
MSP je obezbijedilo finansijska sredstva za sufinansiranje projekta u minimalnom iznosu zahtjevanom kroz ovaj javni poziv (60% ukupnog iznosa za realizaciju predloženih projekata (60% sufinansiranje MSP i 40% sufinansiranje Projekat LID)) – važi za projekte iz svih oblasti.		
Predviđeno unapređenje tehnološke opremljenosti će obezbijediti zapošljavanje minimalno 2 osobe kroz značajno poboljšanje proizvodnog procesa i pristup novim tržištima – važi za projekte iz oblasti 1.		
Planirana investicija u nove tehnologije će ostvariti povećanje prihoda u iznosu od minimalno 3% godišnje u 12 mjeseci od nabavke – važi za projekte iz oblasti 1. i 3.		
Planirana investicija u unapređenje tehnološke opremljenosti i prekvalifikaciju i dokvalifikaciju radne snage neće rezultirati smanjenjem broja zaposlenih – važi za projekte iz svih oblasti.		
Predviđene obuke za prekvalifikaciju i dokvalifikaciju potrebne radne snage će obezbijediti zapošljavanje minimalno 5 osoba koji su prošli specifičnu obuku sufinansiranu kroz LID Projekat – važi za projekte iz oblasti 2.		
Projekti koji kombinuju unapređenje tehnološke opremljenosti i obuke za prekvalifikaciju i dokvalifikaciju potrebne radne snage trebaju rezultirati zapošljavanjem min. 7 osoba, od čega min. 2 osobe trebaju biti uposlene kroz komponentu tehnološkog unapređenja i min. 5 kroz komponentu obuka – važi za projekte iz oblasti 3.		
Predloženi projekti/programi će biti završeni najkasnije do 30.06.2018. godine – važi za projekte iz svih oblasti.		

KORAK 2. EVALUACIJA PRIJEDLOGA

Evaluacija prijava koje su prošle administrativnu provjeru uključuje ocjenu relevantnosti, učinkovitosti te održivosti, a sve u skladu sa kriterijima za ocjenjivanje predstavljanim u nastavku.

Evaluacijska ljestvica

Dodatni kriteriji	Maksimalan broj bodova
Predviđeno unapređenje tehnološke opremljenosti će rezultirati novim zapošljavanjem <ul style="list-style-type: none"> - od 2 do 4 osobe; - od 5 do 6 osoba. 	25 35
Predviđena obuka za prekvalifikaciju i dokvalifikaciju potrebne radne snage će rezultirati zapošljavanjem 5 ili više osoba.	35
Osobe koje prođu kroz obuku za prekvalifikaciju i dokvalifikaciju potrebne radne snage će odmah biti zaposlene: <ul style="list-style-type: none"> - više od 70% osoba će biti zaposlene; - više od 90% osoba će biti zaposlene. 	5 15
Predloženo unapređenje tehnološke opremljenosti i obuka za prekvalifikaciju i dokvalifikaciju potrebne radne snage predviđa zapošljavanje žena, mladih, povratnika i raseljenih osoba, dugoročno nezaposlenih osoba te ostalih socijalno ugroženih kategorija stanovništva (preko 30% od ukupnog broja osoba koje će biti zaposlene)	30
Stepen finalizacije proizvoda: <ul style="list-style-type: none"> • Sektor proizvodnje namještaja (primarna prerada – rezana građa i slično: grupa 0, elementi za namještaj: grupa 1, namještaj od masiva: grupa 2) • Sektor proizvodnje autodijelova (primarna obrada – kovanje, lijevanje, valjanje itd: grupa 1, proizvodnja poluproizvoda i proizvoda: grupa 2) • Sektor proizvodnje odjeće za ličnu zaštitu (primarna obrada – proizvodnja tkanine i prediva, bojenje: grupa 1, proizvodnja finalnih proizvoda: grupa 2) • IT sektor (razvoj hardvera i softvera- grupa 2) 	Grupa 0 – 0 Grupa 1 – 15 Grupa 2 - 20
MSP izvozi preko 70% prometa koji ne uključuje izvoz sirovina i proizvoda sa malom dodanom vrijednošću, npr: trupci i rezana građa, izvoz tekstila i tkanina itd.	20
Predloženi projekat podrške unapređenja tehnološke opremljenosti doprinosi integraciji inovacija u poslovanje MSP.	10
MSP je predvidio ili se obavezuje da će predvidjeti sredstva za sufinansiranje u iznosu većem od 60% ukupnog projektnog budžeta.	10
Predložena obuka za prekvalifikaciju i dokvalifikaciju potrebne radne snage ima obezbijedeno dodatno finansijsko učešće drugih partnera (zavodi za zapošljavanje, razvojne agencije, JLS ili viši nivoi vlasti).	5
MSP je pretrpilo štetu u poplavama iz maja 2014. godine.	10
Broj komercijalnih veza sa dobavljačima i mikro-proizvođačima iz BiH u 2015. i 2016. godini: <ul style="list-style-type: none"> - Do 20 komercijalnih veza - Od 21 do 50 komercijalnih veza - Preko 51 komercijalna veza 	0 5 10
Ukupan broj bodova:	200

Napomene: Projekti iz oblasti 3. će biti evaluirani kroz sve kriterije. Nakon ocjenjivanja prijedloga u skladu sa navedenim kriterijima, definira se ranglista u skladu sa ostvarenim brojem bodova. LID Projekat neće uzeti u obzir prijedloge koji imaju manje od 80 bodova.

4. OBAVIJEST O REZULTATIMA POZIVA ZA ISKAZIVANJE INTERESA

Aplikanti će biti pismeno obaviješteni o rezultatima poziva.

Predviđeni indikativni vremenski okvir za provedbu procesa odabira je slijedeći:

AKTIVNOST	DATUM
Objava poziva	27.09.2017
Krajni rok za dodatne upite i pojašnjenja	13.10.2017
Rok za podnošenje prijedloga	19.10.2017
Obavijest o konačnim rezultatima poziva	03.11.2017
Potpisivanje ugovora sa odabranim MSP	28.11.2017

Nakon odluke o dodjeli sredstava ovog javnog poziva, odabranim MSP će se na potpis dostaviti Sporazum o saradnji, u skladu sa UNDP-ovim pravilima, u kojem će se definisati finansijske obaveze te rokovi realizacije samog projekta.